

وطن مريض

ياوطن قوم من عز نومتك
عدونا فرحان. بمرضك وصمتك
واحنا سلاحنا مجرد تهديد ووعد
من شر غضبك عند قومتك
خلي بالك ياوطن وبص جنبك
خواتك كلهم كان عندهم نفس مرضك
اوعى السكوت يقلب خضوع
ويتفرض علينا (فقه البيوع)
يبقى خلاص ياوطن هتعيش
ذليل في زمن الخنوع
وعمر الكلام مايرفع راس
وما يرفع هامتنا غير الرصاص
والعزة متبقاش تحت الجناح
الرفعة بتتفرض بالسلاح
قوم وانفض بقى مرضك .
لسه الوقت لسه
لو فضلت ساكت. هتتحول لجثة.
قوم ياوطن وإفتح بيبانك
ولم حواليك أهلك . جيرانك

ياوطن إنت وإخواتك اللغة واحده
يعنى لازم تكون كلمتكوا واحده
وكفاية نتباهى بتاريخنا
وإحنا بنموت واحده واحده
وإزاي نكون عظام.
وبتتحكم فينا دولة واحدة
فكفايه بقى سُكات .
كتير حوالياك ولي ومات
والباقي فى نوم ثبات .
إصحى وخلي قدمك ثبات
والجهد مفيهوش ممات
ياوطنى بص حوالياك
الدور خلاص جه عليك .
فخلي عدوك بين عينيك
وإضرب فى مقتل . وماحد يصعب عليك
ولو فيه جراح إحنا نداويك
ياوطننا يا عربى . إتحد وإحنا نفديك .
ولو هنرجع للتاريخ
فكل الأمم . كانت بتتحامى فيك .
فلو سلمت بموتك . مافي حد هايغزى فيك